

REFERAT IIIA - Isumaginninnermut Inunnullu Innarluutilinnut Ataatsimiititaq d. 19-05-2017

Mødedato Fredag d. 19. maj 2017 kl. 19:00

Mødested Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliassat Aningaasaqarnermut ataatsimiititami aamma Kommunalbestyrelsimi aalajangiiffigisassat.	8
Kommuneqarfik Sermersuumi Innarluutillit pillugit Siunnersuisooqatigiit aamma Utoqqaat pillugit	9
Oqaluuserisassat matoqqasut.....	13
Lukket.....	14
Taasariaqartut allat.....	15
Imaqarniliap akuerinera.....	16

Punkt 0: Saqqaa

Ilaasortat:
Charlotte Ludvigsen (IA), siulittaasoq
Inge Olsvig Brandt (IA)
Rasmine Geisler (IA)
Randi Vestergaard Evaldsen (D)
Rolf Píke (S)

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A Siulittaasumit</p> <p>2B Ingerlatsivimmit</p>

Beslutning

2A. Siulittaasumit.

Soqanngilaq

2B. Ingerlatsivimmit.

Kista Lynge Høegh Grethe Nielsen sinnerlugu ataatsimiinnermi ilaavoq.

Punkt 3: Ilisimatitsissutit

<p>Soqanngilaq.</p>

Punkt 4: Aalajangiiffigisassat

<p>Soqanngilaq.</p>

**Punkt 5: Suliassat Aningaasaqarnermut ataatsimiititami aamma
Kommunalbestyrelsimi aalajangiiffisassat**

Punkt 05A: Kommuneqarfik Sermersuumi Innarluutillit pillugit Siunnersuisooqatigiit aamma Utoqqaat pillugit siunnersuisooqatigiit maleruagassaat iluarsisat

Beslutning

Inassuteqaatit akuerineqarput.

Bilag

Vedtægt for Handicaprådet i Kommuneqarfik Sermersooq 25.sept. 2012 - KAL.pdf

Revideret - Vedtægt for Handicaprådet i KS_KAL.pdf

Vedtægt for Ældrerådet i Kommuneqarfik Sermersooq 2012 - KAL.pdf

Revideret-Vedtægt-for-Ældrerådet-i KS_KAL.pdf

Kommuneqarfik Sermersuumi Innarluutillit pillugit Siunnersuisooqatigiit aamma Utoqqaat pillugit siunnersuisooqatigiit maleruagassaat iluarsisat

Aalajangiiffigisassaq

J. nr. 40.13.01/40.13.02

Isumaginninnermut Suliffeqarnermullu Ingerlatsivik – pisortaq Grethe H. Nielsen / grni

Suliassamik eqikkaaneq

Kommuneqarfik Sermersooq Innarluutillit pillugit Siunnersuisooqatigiinnik aamma Utoqqaat pillugit siunnersuisooqatigiinnik 2013-imi pilersitsivoq. Siunnersuisooqatigeeqartitsinermi siunertaavoq, kommunimi innarluutilinnut utoqqarnullu tunngasunik ineriartortitsinermi innuttaasut inuuniarnikkut akisussaaqataanerannik sunniuteqaqataanissaannillu periarfissaqarnissamik siuarsaanissaq. Siunnersuisooqatigiinni ilaasortat Isumaginninnermut Suliffeqarnermullu Ataatsimiititamut Kommunalbestyrelsimullu siunnersueqataassapput kiisalu kommunimi innarluutilinnut utoqqarnullu tunngasunik politikkilliornermi, siunnessami suliniutinik aalajangiiffigisassanillu ilusileeqataallutillu aaqqissueqataassapput. Innarluutillit pillugit Siunnersuisooqatigiit aamma Utoqqaat pillugit siunnersuisooqatigiit atuuffii Kommunalbestyrelsip atuuffianut malinnaaginnartarput, taamaattumillu nutaamik qinersisoqarnissaa aamma piffissanngorluni. Kommuneqarfik Sermersuumi ukiuni kingullerni sisamani siunnersuisooqatigiinnit marluusunit kommune innarluutilinnut utoqqarnullu tunngasunik ikiorneqartarneranik misilittakkat aallaavigalugit, Isumaginninnermut Suliffeqarnermullu Ingerlatsivik maleruagassianik iluarsisuteqarpoq. Maleruaqqusanik iluarsisuteqartoqarneratigut Innarluutillit pillugit Siunnersuisooqatigiit aamma Utoqqaat pillugit siunnersuisooqatigiit siunissaq eqqarsaatigalugu Kommunalbestyrelsimut siunnersuinermik ilitsersuinermillu suliaqarnissaannut periarfissanik pitsanngorsaaqataassaaq.

Inassuteqaat

Isumaginninnermut Suliffeqarnermullu Ingerlatsiviup Isumaginninnermut Suliffeqarnermullu Ataatsimiititamut inassuteqaatigaa:

- maleruagassat iluarsisat ataatsimiititamit akuersissutigineqassasut
- maleruagassat iluarsisat inaarutaasumik akuersissutigisassanngorlugit Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ingerlateqqinneqassasut

Suliassamik saqqummiussineq

Kommuneqarfik Sermersooq Innarluutillit pillugit Siunnersuisooqatigiinnik aamma Utoqqaat pillugit siunnersuisooqatigiinnik 2013-imi pilersitsivoq, taakkulu kommunimi innuttaasunut innarluutilinnut utoqqarnullu tunngasunik sulianik politikerinut siunnersuillutillu ilitsersuinermik suliaqartarput. Innarluutillit pillugit Siunnersuisooqatigiit aamma Utoqqaat pillugit siunnersuisooqatigiit atuuffii Kommunalbestyrelsip atuuffianut malinnaaginnartarput, taamaattumillu apriliimi 2017-imi kommunalbestyrelsimut qinersisoqareeripat nutaamik qinersisoqarnissaa aamma piffissanngussaaq. Innarluutillit pillugit Siunnersuisooqatigiinnut aamma Utoqqaat pillugit siunnersuisooqatigiinnut nutaamik qinersisoqarnissaanut atatillugu Isumaginninnermut Suliffeqarnermullu Ingerlatsiviup siunnersuutigaa, siunnersuisooqatigiit marluullutik maleruaqqusaat iluarsivigineqassasut, taamaallutik siunnersuisooqatigiit Isumaginninnermut Suliffeqarnermullu Ataatsimiititamut Kommunalbestyrelsimullu siunnersuinissamut ilitsersuinissamullu atugassarisaat pitsaanerpaajusinnaaqullugit.

Maleruaqqusani allannguuteqarnerpaalluni § 4, imm. 4, katitigaanerannut tunngavoq, siunnersuisooqatigiinni ilaasortat tallimaasut taakkulu sinniisui qinigassanngortittut kommunimi inuit allattorsimaffianni sumi najugaqarneq naapertorlugu siusinnerusukkut imatut agguataagaapput:

Nuuk: ilaasortat 2

Paamiut:	ilaasortaq 1
Tasiilaq:	ilaasortaq 1
Ittoqqortoormiit:	ilaasortaq 1

Isumaginninnermut Suliffeqarnermullu Ingerlatsiviup iluarsissutissatut siunnersuutigaaa, ilaasortannortut katitigaanerat qinigassannortittut inuit allattorsimaffianni sumi najugaqarneq aallaaviussanngitsoq. Akerlianilli iluaqutaanerpaasussatut nalilerlugu, siunnersuisooqatigiit katitigaaneranni kommunimi innarluutillit aamma utoqqaat peqatigiiffiini assigiinngitsuni sinniisoqarsinnaanerup qulakkeerneqarnissaa siunissami qitiutinneqassappat. Sumiiffimmi sinniisoqartarnermiit innarluutillit utoqqaallu peqatigiiffiiniit sinniisoqartitsisarnermut ikaarsaarnikkut siunnersuisooqatigiit tamatiguussuseqarnerulersinneqarsinnaapput. Taamaalilluni aamma siunnersuisooqatigiit kommunimi utoqqarnut innarluutilinnullu tunngasunik Kommunalbestyrelsimut siunnersuinissaminnut ilitsersuinissaminnullu sakkussagissaarnerussapput. Taakku avataasigut, Innarluutillit Utoqqaallu siunnersuisooqatigiivinut qinigassannortittut piumasaqaataasut malillugit nunaqarfiit illoqarfiillu ilaannaat qinigassannortitsiffiusimmammata piumasaqaataastu naammatsissimangilaat.

Maleruaqqusani allannguutit sinneri teknikkimut tunngasuunerupput, taamaattumillu siunnersuisooqatigiit sulinerannut sunniutaasusnaanatik.

§ 8 naapertorlugu maleruaqqusat Kommunalbestyrelsimit akuersissutigineqareeripata atuutilersinneqassapput. Maleruaqqusani § 8, imm. 2 naapertorlugu, malequaqqusanic allannguisoqassatillugu siunnersuisooqatigiit siumut tusarniarneqaqqaartassapput. Kommunalbestyrelsimut atuuffia najoqqutarineqartarmat piffissami matumani Innarluutillit pillugit Siunnersuisooqatigiinnik aamma Utoqqaat pillugit siunnersuisooqatigiinnik suli atuuttoqanngimmat suliamut uunga tunngatillugu tusarniaaneq pisariaqanngilaq. Taamaalillunilu siunnersuisooqatigiit aprillip sisamaani 2017-imi kommunalbestyrelsimut qinersisoqarneranut atatillugu atorunnaarlutik.

Maleruaqqusani allannguutit aappilasumik nalunaaqutsigaapput. Innarluutillit pillugit Siunnersuisooqatigiinnut aamma Utoqqaat pillugit siunnersuisooqatigiinnut maleruaqqusat pisoqqat iluarsisallu ilanngussatut ilanngunneqarput.

Aningaasaqarnikkut sulisoqarnikkullu naliliinerit
Maleruaqqusanic allannguinneq aningaasaqarnikkut sulisoqarnikkullu kommunimut kinguneqartitsinissaa naatsorsuutigineqanngilaq.

Inatsisitigut tunngavissaq allakkallu tunngaviusumik uppersaataatillit
Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.

Ingerlariaqqinnissaq
Innarluutillit pillugit Siunnersuisooqatigiinnut aamma Utoqqaat pillugit siunnersuisooqatigiinnut maleruaqqusanic allannguutit Kommunalbestyrelsimut akuersissutigineqassappata, siunnersuisooqatigiinni marluusuni ilaasortanic qinersisoqarsinnaanngusaaq. Siunnersuisooqatigiilertussat piffissaq atuuffiat Kommunalbestyrelsimut piffissaq atuuffia maliinnassavaat.

Aningaasaqarnermut Allatseqarfimmit oqaaseqaatit
Suliami matumani Aningaasaqarnermut Allatseqarfimmut oqaaseqaatinik pissarsiniarnissaq massakkut pisariaqanngitsoq Ingerlatsiviup nalilerpaa.

Ilanngussat

- 1 Kommuneqarfik Sermersuumi Innarluutillit pillugit siunnersuisooqatigiit maleruagassaat iluarsisaq
- 2 Kommuneqarfik Sermersuumi Utoqqaat pillugit siunnersuisooqatigiit maleruagassaat iluarsisaq
- 3 Kommuneqarfik Sermersuumi Innarluutillit pillugit siunnersuisooqatigiit maleruagassaat pisoqaaq
- 4 Kommuneqarfik Sermersuumi Utoqqaat pillugit siunnersuisooqatigiit maleruagassaat pisoqaaq

Punkt 6: Oqaluuserisassat matoqqasut

Punkt 06A: Lukket

Punkt 7: Taasariaqartut allat

Beslutning

Soqanngilaq.

Punkt 8: Imaqarniliap akuerinera

Beslutning

Imaqarniliaq akuerineqarpoq nal. 16:01